

**Inatsisartut Naalakkersuisullu pillugit Inatsisartut inatsisaata
allanngortinneqarneranik Inatsisartut inatsisissaattut siunnersuut**

pillugu

Inatsisartut Siulittaasoqarfiata

ISUMALIUTISIISSUTAA

siunnersuutip aappassaaneerneqarnerani saqqummiunneqartoq

Inatsisartut Siulittaasoqarfiat suliarinninnermini ukuninnga inuttaqarpoq:

Inatsisartut siulittaasuat Jonathan Motzfeldt, (S),
Inatsisartuni ilaasortaq Augusta Salling, siulittaasup tullia siulleq, (A),
Inatsisartuni ilaasortaq Agathe Fontain Aqqaluk Lyngimut, siulittaasup tulliata
appaanut sinniisussaq, (IA),
Inatsisartuni ilaasortaq Per Rosing-Petersen, siulittaasup tulliisa pingajuat, (S),
Inatsisartuni ilaasortaq Per Berthelsen, siulittaasup tulliisa sisamaat, (D)

Siunnersuutip imarisai.

Inatsisartut Naalakkersuisullu pillugit Inatsisartut inatsisaata
allanngortinneqarneranik Inatsisartut inatsisissaattut siunnersuut Nunanut Allanut
Sillamniarnermullu Ataatsimiititaliap ataatsimiititaliatut sullinneqarnerata
Naalakkersuisut Allattoqarfiannit Inatsisartut Allattoqarfiannut nuunneqarnissaanik
Naalakkersuisut siunnersuutaat tunngassuteqarpoq.

Siunnersuutip suliarineqarnera.

Siunnersuut Inatsisartunit siullermearneqarmat Naalakkersuisut siunnersuutitut saqqummiussaat siamasissumik isumaqatigineqarpoq.

Siullermearnermut atatillugu ataatsimiititaliap oqartussaaffinut suleriaasianullu tunngatillugu isummersortoqarpoq. Tamatuma Inatsisartut Inatsisit Atortinnejernerannut Ataatsimiititaliamik taamatullu Nunanut Allanut Sillimaniarnermullu Ataatsimiititaliamut tusarniaanissamik Siulittaasoqarfik pissutissaqartilersimavaa. Siulittaasoqarfip tusarniaassutitut allagaa ataatsimiititaliallu taaneqartut akissutaat isumaliutisiissummut matumunnga ilanngunneqarput.

Sammisat tusarniaassutigineqartut ilaat tassa Nunanut Allanut Sillimaniarnermullu Ataatsimiititaliap taaguutaata ullutsinnut naleqquttumik pisarnermullu tunngatillugu atorneqarneranik apeqqut. Tusarniaanermut akissutini inatsisip oqaasertaani ataatsimiititaliap taaguutaata allanngortinneqarnissaanut tunngatillugu nangaassuteqartoqanngilaq. Siulittaasoqarfik isumaqarpoq taaguut "Nunanut Allanut Sillimaniarnermullu Ataatsimiititaliaq" siunissami atorneqartariaqartoq, taamaammallu Inatsisartut Naalakkersuisullu pillugit Inatsisartut Inatsisaata allanngortinneqarneranik Naalakkersuisut inatsisissatut siunnersuutaannut allannguutissatut siunnersummiq saqqummiussilluni.

Nunanut Allanut Sillimaniarnermullu Ataatsimiititaliap oqartussaaffisa Naalakkersuisunillu peqateqarnerata suleriaasiatalu inatsisitut ilusilerlugu ullutsinnut naleqquttumik oqaasertaliivigineqarnissaanik pisariaqartitsineq tikkuaavigissallugu Siulittaasoqarfik pissutissaqarsorivoq. Tamatuma pinissaata tungaanut maannamut periuserineqartunut Inatsisartullu Suleriaasiannut naapertuuttumik ataatsimiititaliaq suligallassaaq.

Nunatta folketingimut ilaasortaatitaasa marluk ataatsimiititaliami taaseqataasinnanatik ilaasortaanerat pillugu aalajangersagaq atuuttoq pillugu aaqqissuussinerup atuutiinnartinneqarnissa Siulittaasoqarfip pisariaqartutut isiginngilaa. Tassunga tunngatillugu Nunanut Allanut Sillimaniarnermullu Ataatsimiititaliaq Inatsisartut ataatsimiititaliaattut ataavartutut allatulli atugassaqartitaasariaqarpoq, taakkumi nammimeerlutik aalajangertarmassuk avataaneersunut paassisutissanik avitseqatiginnitarneq ataqatigiissaarisarnerlu qanoq aaqqiivigineqassasoq. Taamaalilluni ataatsimiititaliap nammimeerluni aalajangersinnaasariaqarpaa nunatta folketingimi ilaasortaatitaannik marlunnik pisariaqartutut kissaatiginartutullu suleqateqarneq qanoq aaqqissuunneqarluni sulianut atatillugu ingerlanneqassanersoq. Tamanna Udenrigspolitisk Nęvnimik Nunanulluunniit Allanut Ministereqarfimmik suleqateqarnermi nangaatitsilissagaluarpat nangaassutit taamaattut taakkununnga isumaqatigiissuteqarnikkut paaseqatigiissutigineqarlutillu pinaveersaartariaqarput. Tassunga atatillugu oqaatigisariaqarpoq Nunanut Allanut Sillimaniarnermullu Ataatsimiititaliap Udenrigspolitisk Nęvnimut Nunanullu Allanut Minstereqarfimmut pitsaanerpaamik suleqatigiinnikkut attaveqarnissaa erseqqissutut immat.

Siunnersuutip suliarineqarnerani apeqqutit allat Siulittaasoqarfimmit qaquinneqartut tusarniaassutitut allakkami akissutitullu allakkani ilanngunneqartuniippuit.

Inatsisartut Naalakkersuisullu pillugit Inatsisartut inatsisaata iluarsiivigineqarneranik suliamut ilanngullugit apeqqutit suliarineqarnissaat naatsorsuutigalugu atortussat Naalakkersuisunut tunniunneqarput, tassungalu ilan-ngullugu tusarniaanermut akissutini tusarniaavagineqartussatut taaneqartut tusarniaavagineqassasut.

Siulittaasoqarfiup inassuteqaataa.

Naalakkersuisut siunnersuutaat allannguutissatullu siunnersuummi ilanngunneqartumi allannguutissatut siunnersuutit ilanngullugit akuersissutigineqassasut Siulittaasoqarfiup inassutigaa.

Jonathan Motzfeldt,
formand

Augusta Salling

Agathe Fontain

Per Rosing-Petersen

Per Berthelsen